



Topao dom i lijekovi je sve što njima treba

Teško je živjeti u samoći. Još je teže znati da si sam pored toliko ljudi koji te okružuju. Fatima Ličina, starica porijeklom iz Petnjice, igrom slučaja i spletkarenjem komšija kako sama kaže je prognata sa svog imanja nakon muževe smrti. Od tog dana, sa svojim sinom Serminom Ličinom (37), seli se od kuće do kuće, od smještaja do smještaja. Njeno trenutno boravište je u Bijelom Polju, sporedna ulica naspram Lovćen osiguranja, do kuće u kojoj stanuje silazi se pored perionice auta. I iz ove kuće prijeti im iseljenje zbog neplaćene kirije i računa za struju. Fatima, starica sa plućnom bolešću, bori se za opstanak kako sebe, tako i svoga sina Sermina, koji je nervni bolesnik i svakodnevno pije terapiju. "Dio terapije dobijamo preko recepata, dio se mora kupiti. Pored toga, potreban je novac za hranu, a računi za struju i kiriju ostaju neplaćeni" ističe Fatima. Serminu (37), tokom komunikacije sa našim volonterima, podrhtavalo je čitavo tijelo, a njegova majka kaže da je to svakodnevica. Organizacija "Hilal" iz Bijelog Polja im je u oktobru uručila pomoć u obliku hrane i lijekova, a pomogli smo i mi iz "Banka hrane" sa hranom i higijenskim sredstvima. Ali to nije dovoljno...

Fatimi nedostaju drva za ogrijev, a cijev za vodu je smrznula prilikom niskih temperatura, nakon čega je pukla, pa je to Fatima sama morala da krpi sa svojim sinom. "Sve što nam treba je siguran i topao dom i tablete za moju bolest" - naveo je Sermin tokom razgovora sa nama. Majka i sin žive od minimalne penzije koju primaju i tuđe njege koju Sermin prima. Ta primanja ne mogu da pokriju troškove koje oni imaju, na žalost. Ljudskost u nama i dalje živi - pokažimo im da nijesu sami! - šalju poruku naši volonteri i pozivamo humane ljude i društveno odgovorne kompanije da pomognu. Najviše mogu da pomognu nadležne institucije pa ih molimo da se uključe i pomognu bolesnij starici i njenom sinu. Žiro račun za pomoć je kod Atlas banke 505-8220330052930-43 na ime Fatima Ličina. Svi koji mogu i žele pomoći mogu to učinjeti pozivom na broj 069531627